

欽定盛京通志卷之六十四

歷朝人物七

明

欽定盛京通志

卷六十四

目錄

一







驍勇絕倫。每臨陣。身先士卒。英宗北狩。廷議舉將材于謙薦廣。充左副總兵。額森犯京師。廣躍馬陷陣。敗之。又敗之於紫荆關。錄功進都督同知。景泰初。以總兵官巡邊。駐居庸。還京。副石亨提督團營軍馬。亨素銜之。英宗復辟。誣廣黨于謙。下獄死。成化初。廷臣訟其寃。命子昇仍襲世職。額森。蒙古語解見名宦卷。原作也先。今譯改。

顧能。定遼前衛人。性剛直。與人寡合。天順元年。進士。授戶部主事。有清操。生平不妄受人一錢。

天順間。監收通州糧。盡革諸弊。再往淮安收錢。計一歲所入。九倍于昔。尋陞本部員外郎。成化初。天下清官四員。能居都御史楊繼宗之次。憲宗刻名於便殿柱上。惜不及大用云。

耿賢。定遼前衛人。由指揮陞都指揮僉事。掌都司印。備禦金復鐵嶺。尋守備寧遠。轉右叅將。分守開原。善撫士卒。不妄交際。致仕歸。所屬憫其清苦。各餽金幣。賢悉分之軍士。後卒。葬城東杏林山。與其師顧能墓相近。詩人弔之。以爲師弟。



雙清云。

胡深。定遼後衛人。早孤。育於伯父。登天順八年進士。授監察御史。剛正嫉邪。不避權倖。成化初。與同官鄭巳等。爭慈懿太后山陵事。彗星見。復與同官言。大本未建。異端太盛。進退賞罰未公。財用工役未省。賑濟無策。備禦無方。凡八事。帝優詔答之。又上疏請斥奸邪。痛詆大臣。劾大學士商輅之失節。兵部尚書陳信之剛暴。禮部尚書姚夔之黷貨。不納。深嘗巡按陝西。諸大臣旣被劾。惡之。坐以按陝時杖殺人。謫黔陽縣丞。稍遷鬱林知州。卒於官。祀鄉賢。

賀欽。字克恭。其先浙江定海人。以戍邊籍義州。又家廣寧。少好學。讀近思錄有悟。成化二年登進士。授戶科給事中。直言敢諫。嘗書鄙夫章于壁。以自警。師事陳白沙先生獻章。旣歸。肖其像事之。弘治改元。用閣臣薦。起爲陝西叅議。未至而母死。乃上疏懇辭。且陳四事。一資真儒以講聖學。二薦賢才以輔治道。三遵祖制以處內官。



四興禮樂以化天下。疏凡數萬言。其云處內官者。指王振曹吉祥汪直輩。陷君誤國。蠹政害民。內不可使預大政。外不可使掌兵權。尤爲切要。奏入。報聞。正德四年。太監劉瑾括遼東田。東人震恐。義州守又貪橫。民變。聚衆劫掠。相戒曰。毋驚賀黃門。欽聞之。急諭禍福。以身任之。亂遂定。欽學不務博涉。靜思默識。專讀四書六經小學。期于反身實踐。謂爲學不必求之高遠。在主敬以收放心而已。每教人讀白鹿洞教條。嚴爲己。鄉士大夫爲之立祠於釣臺。

陳壽。字本仁。其先新淦人。祖志弘。代兄戍遼東。遂籍寧遠衛。壽少貧甚。得遺金。坐至夜分。還其主。從鄉人賀欽學。登成化八年進士。授戶科給事中。言時政無隱。彈劾不避權貴。弘治十三年。以右僉都御史。巡撫延綏。敵兵入掠。擊却之。未幾。和碩托囉率衆大至。壽自出帳。擁數十騎。據



烏皮几指揮敵疑之。遂引去。既而授諸路將領方畧。邀擊之。皆克捷。軍聲大振。尋遷右副都御史。掌南院。正德初。劉瑾矯詔。逮南京科道戴銑等。壽抗章論救。瑾怒。罷其官。九年。復起。巡撫陝西。盜賊屏息。廉名尤著。夏大旱。戒刑清獄。齋心誠禱。天乃雨。歲大熟。壽拜南京兵部侍郎。陝人呼號擁輿。移日不得行。進刑部尚書。致仕。卒。年八十三。壽清廉。歷官四十年。無家可歸。寓南都。所居不蔽風雨。其卒也。尚書李克嗣。府尹寇天

欽定盛京通志

卷六十四

歷朝人物七

五

敘爲之殮。

和碩國語解見關郵卷。蒙古語解見黑龍江山山川卷。原作火篩。托囉國語

解見黑龍江山山川卷。原作脫羅。今譯改。

潘輔。廣寧人。弘治六年進士。授順天永清縣尹。有冰蘖聲。時盜賊竊發境上。緝捕有方。畏威遠遁。民皆安堵。後卒於官。

孫磐。定遼右衛人。少有氣節。登弘治九年進士。初觀政。卽上疏。言近日諫官以言爲諱。請定建言者爲四等。最上不避禍患。抗彈權貴者。其次揚清激濁。能補闕拾遺。又其次建白時政。有裨



軍國。皆分別擢敘。而粉飾文具。循默不言者。則罷黜之。庶言官知警。不至曠廢。時不見用。尋擢吏部主事。正德元年。宦官漸用事。磐復上疏。言今日弊政。莫甚於內臣典兵。乞盡撤各鎮中官。還京。專以邊務責將帥。不從。時劉瑾得志。深嫉之。斥磐爲姦黨。遂免官。瑾誅。復起河南按察司僉事。值流賊猖獗。資給軍餉。鎧仗。以至保障。留都。遏賊東殄。磐之籌畫居多。

王春。廣寧左屯衛人。弘治九年。進士。授翰林院檢討。陞周府長史。時宗室以巡撫勾稽廩祿。聚衆往諫於門。後因治兵備他盜。宗室疑之。皆挾兵自衛。春啟王徧諭其故。且止巡撫兵。衆乃安。有復庵詩集行世。

崔哲。遼陽人。弘治十二年。進士。正德初。知威州。以德服遠。邊郵無警。後改任澤州。撤淫祠。廣儲蓄。善獎進後學。課試皆有程期。

張經。字天敘。瀋陽中衛人。正德六年。進士。授新樂縣知縣。擢監察御史。按宣府。劾鎮守太監丁



喜貪肆罪。嗣爲喜所許。逮繫詔獄。都御史彭澤及兩京監官論辨其誣。謫河南河內縣典史。憂憤卒於途。妻子扶柩歸葬。嘉靖改元。追贈光祿少卿。

范總。字平甫。其先江西樂平人。遷瀋陽。舉正德十二年進士。授工部主事。擢員外郎。嘉靖三年。伏闕爭大禮。下獄廷杖。遷河南知府。歲大饑。巡撫潘墳駁諸請賑文牒。候勘實乃發。總不待報。輒開倉賑之。全活十餘萬人。歷遷右副都御史。

巡撫寧夏。總爲人持重。有方畧。旣莅鎮。不尚首功。一意練步騎。廣儲蓄。繕治關隘。亭障。寇爲遠徙。居數年。引疾歸。起故官。撫河南。尋召爲兵部右侍郎。奉詔總理邊關。扼隘。奏上經畧潮河川。居庸關諸處事宜。帝才總甚。卽命爲兵部尚書。總以老辭。帝怒。削其籍。時嚴嵩當國。而總本由徐楷薦。天下推爲長者。惜其去不以罪。久之乃卒。隆慶元年。復官。總爲官剛斷明察。其巡撫寧夏時。清查侵盜糧草。裁革冒功陞賞。弛廢振興。



邊境肅然。

傅鑰字希準。廣寧人。正德六年進士。授給事中。嘗論邊事。爲尚書王瓊嘆服。會宣大將領失利。亡卒甚多。廷議遣鑰覆視。上曰。是嘗言邊事者。稱是選矣。鑰至鎮。考治甄別。不隨不苛。得實以報。嘉靖間。累陞山西按察使。用法平恕。兼得大體。富民某殺人當死。以貨免。鑰收鞫之。寘於法。知縣某主簿某。皆良吏。爲姦人所構。事下按察司。或謂鑰曰。是當道所欲入也。鑰曰。法如此。可

欽定盛京通志

卷六十四

歷朝人物七

八

枉徇乎。竟白之。終河南巡撫。

徐景嵩。定遼中衛人。正德九年進士。尹咸寧。陞戶科給事中。彈劾不避權貴。歷河間知府。山西按察副使。

趙國忠。字伯進。錦州衛人。嗣指揮職。嘉靖初。舉武會試。進都指揮僉事。擢錦義右叅將。連破敵。進署都督僉事。爲遼東總兵官。有功。進都督同知。嗣代趙卿鎮宣府。命部將逆擊。諳達於大滹沱。敗之。寇盡走。及諳達薄京師。國忠趨入衛。移



護諸陵。寇見國忠陣於紅門。畏不敢入。三十一年再征遼東。禦却小王子數萬騎。明年逐敵出塞多斬獲。進秩一等。國忠善戰。射穿札。爲將有威嚴。歷兩鎮。繕亭障。練士馬。邊防賴之。諸達國語解見

吉林山川卷原  
作俺答。今譯改

李景登。廣寧人。神宗二十年進士。任猗氏縣。才敏氣恬。不以崖岸自異。請除荒地。課贍書生。陞吏部主事。出知漢中府。冰操嚴潔。明敏果斷。蒞任三年。案無留牘。獄無沉滯。

欽定盛京通志 卷六十四 歷朝人物七 九

佟卜年。遼陽人。神宗四十四年進士。知河間縣。節用愛人。除門則儀馬大戶三害。境內獲安。邑人立祠祀之。事見畿輔通志。

祖寬。遼東人。少從軍有功。累官寧遠叅將。勇敢善戰。部卒多塞外降人。所向克捷。崇禎五年。叛將李九成圍萊州。詔發關外兵討之。寬爲前鋒。率五百騎遇賊兵三千於沙河。寬殊死戰。賊退走。解萊州圍。進都督僉事。八年。爲總兵官。討流賊。挫張獻忠於焦村。復遇汝州賊。寬率軍至。大



敗之。十一年。

王師下山東。濟南失守。時誣寬以失陷藩封。被逮棄市。寬敢戰有功。稱良將。性剛使氣。不爲文吏所喜。卒罹大辟。莫爲救論。人頗謂失刑云。

欽定盛京通志

卷六十四

歷朝人物七

十

欽定盛京通志卷之六十四